

IMAQARNILIAQ IIIA - Isumaginninnermut Inunnullu Innarluutilinnut Ataatsimiititaq Tamanna pivoq. 03-08- 2026

Ulloq ataatsimiiffissaq Mandag Tamanna pivoq. 03. august 2026 kl. 17:00

Ataatsimiiffissaq Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	7
2026-mi kvartaalit aappaanni pissaanermik atuisimaneq pillugu nalunaarutininik ilisimatitsissut.....	8
Inuit innarluutillit pillugit Siunnersuisooqatigiit sulinerat pillugu ilisimatitsissut.....	10
Kajumissuseq tunngavigalugu isumaginninnermi sulinnermut tapiissutininik agguaanerup killiffia.....	12
Siu-Tsiumik ingerlatsinnermut isumaqatigiissutaasumik sivitsuigallarneq pillugu ilisimatitsissut.....	14
Utoqqarnut inunnullu innarluutilinnut suliaasaqarfimmi sanaartornermut aningaasaliissutininik sulisit	16
Tamalaat.....	19
Imaqarniliap akuerineqarnera.....	20

Ilaasortat

Justus Hansen (D)

Lone Rosengreen Pedersen (IA)

Ida Julie Andersen (IA)

Mala Høy Kúko (S)

Laura Tâunajik Uitsatikitseq (S)

Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussat, ingerlatsivimmit ataatsimiititamut qaammatini tulluuttuni saqqummiunneqartussat, ilisimatitsissutigineqarput.

Ingerlatsivimmit ataatsimiititaq suliassanik oqaluuserineqartussanik ilisimatinneqassasoq kissaatigineqarpoq, taamaalilluni ataatsimiititami ilaasortat piareersarluarsinnaaniassammata aamma ataatsimiititap ataatsimiinnissaanut ataasiakkaanut oqaluuserisassat aalajangiunneqannginneranni. Ataatsimiititami oqaluuserineqarnissaannut piffissaliussaq sulii aalajangiunneqanngilaq, soorluttaaq immikkoortut allannguuteqarsinnaasut.

Piffissami matumani ingerlatsivimmit suliassat uku ukiup affaani tulluuttumi ataatsimiititami oqaluuserineqartussatut naatsorsuutigineqartut ilisimaneqarput:

- 2027-imi suliat pitsaassusissaasa allaaserineqarnerat
- Innuttaasut innarluutillit inissinneqarsimasut pillugit ilisimatitsissut
- Inunnut innarluutilinnut immikkuullarissumik suliassaqaqarfiimmut immikkoortumut pilersaarummi immikkoortut pingaarnersiorneqarneri
- Angerlarsimaffeqanngitsuuneq pillugu immikkoortumut pilersaarutip killiffia
- Ukiumoortumik Inuit Innarluutillit pillugit Siunnersuisooqatigiinnik ataatsimeeqateqarneq

Ataatsimiititami ukiumut arlaleriarluni oqaluuserineqartussat aalajangersimasut takussutissami ilaatinneqanngillat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortami aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersarsaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.

Ilanngussaq

Ilanngussaqanngilaq.

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

2. kvartali 2026

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissutigineqartarpoq. Matumani ilisimatitsissut 2026-mi 2. kvartalimut tunngavoq.

Suliffeqarnermut Isumaginninnermullu Ingerlatsivimmit 2. kvartali 2026-mi suliffissaaleqisut nalunaarsorneqarnerat saqqummiunneqarsinnaanngikkallarpoq. Systemip ajutooqqanerani innuttaasut suliffissaaleqisut najukkami nalunaarsorneqarput illoqarfimmiillu ataasiakkaanit nalunaarsukkat paasissutissartaat suli katersorneqanngillat. Taamaattumillu 2. kvartalimi kommunimi suliffissaaleqineq pillugu tamakkiisumik paasissutissaqanngilaq.

Oktobarimi ataatsimiititaliat ataatsimiilerpata 3. kvartalimi suliffissaaleqisut nalunaarsorneqarnerat ilisimatitsissutigineqalerpat 2. kvartalimi suliffissaaleqisut nalunaarsorneqarnerat ilanngunneqassaaq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq
- Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. decembari 2015-imeersoq.
- Pisortanit ikiorsiissutit pillugit Inatsisartut inatsisaat nr. 6, 20. juuni 2022-meersoq.
- Suliffissarsiortunut ikiorsiissutit pillugit Inatsisartut Inatsisaat nr. 7, 20. juuni 2022-mersooq
- Majoriamut tunngatillugu angusassat pillugit isumaqatigiissut

Ilanngussaq

Ilanngussaqanngilaq.

2026-mi kvartaalit aappaanni pissaanermik atuisimaneq pillugu nalunaarutini ilisimatitsissut

Ilisimatitsissut

SagsID.: EMN-2025-03342

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inunnut innarluutilinnut aamma tarnimikkut nappaatilinnut suliassaqarfimmi pissaanermik atuinermit nalunaarsukkat pillugit Suliffeqarnermut Isumaginninnermullu Ingerlatsivik ataatsimiititamut kvartalikkaartumik ilisimatitsissuteqartarpoq. Ilisimatitsissummi matumani pineqarpoq 2026-mi apriliimiit juunimut nalunaarutiginninnerit.

Innuttaasut sulisullu perorsaanermut suliutigullu tunngasunik eqqortunik eqqarsaatersortoqarsimaneranut uppersaataatissaqarnissaat qulakkeerniarlugu pissaanermik atuisimaneq uppersarneqartarpoq.

Inunnut innarluutilinnut tarnimikkullu nappaatilinnut immikkoortortaqarfimmut nalunaarutiginnittarnerit

2025:

Nalunaarutigineqartut suuneri	1. kvartali	2. kvartali	3. kvartali	4. kvartali
§ 38 - Aalajangerlugu tigummininneq imaluunniit allamukaassineq	-	6	3	1
§ 39 - Eqqiluutsuutitsinissamik aalajangiusimasaqarneq	3	-	-	-
§ 43 – Najugarisami tigummisaaneq	-	-	-	-
§ 40 – Ujatsiutaasamik annoraaminermik atuineq	-	-	-	-

2026:

Nalunaarutigineqartut suuneri	1. kvartali	2. kvartali	3. kvartali	4. kvartali
§ 38 - Aalajangerlugu tigummininneq imaluunniit allamukaassineq	-	1		
§ 39 - Eqqiluutsuutitsinissamik aalajangiusimasaqarneq	-	-		
§ 43 – Najugarisami tigummisaaneq	-	-		
§ 40 – Ujatsiutaasamik annoraaminermik atuineq	-	-		

Nalunaarutiginninnermik malinnaaffiginninneq

Kvartalip aappaanni pissaanermik atuinerit pillugit ataatsimik nalunaarutiginnittoqarsimavoq. Nalunaarusiortoqartarsimannginnera pillugu Ingerlatsivimmit maluginiarneqarpoq tamannalu ataavartumik malinnaavigalugu.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaasatillit

- Isumaginninnermik suliaasaqarfimmi pissaanermik atuineq pillugu Inatsisartut inatsisaat nr. 8, 20. juni 2022-meersoq

Ilanngussaq

Ilanngussaqanngilaq.

Inuit innarluutillit pillugit Siunnersuisooqatigiit sulinerat pillugu ilisimatitsissut

Aggusti 2026

Ilisimatitsissut

SagsID.: EMN-2026-01392

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. Inuit innarluutillit pillugit Siunnersuisooqatigiit suliaat pillugu ilisimatitsissut tusaatissatut tiguneqassasoq

Suliassamik saqqummiussineq

Inuit innarluutillit pillugit Siunnersuisooqatigiit apriliip ulluisa 30-anni 2026-mi ileqquusumik aappasaanik ataatsimiipput, tassanilu siunnersuisooqatigiit Inuit innarluutillit pillugit Siunnersuisooqatigiinnut ilisimatitsissutit aalajangiiffigissassallu arlaqartut eqqartorpaat.

Ataatsimiinnermi Nina Møller Sugisameersoq Inuit innarluutillit pillugit Siunnersuisooqatigiinni siulittaasup tulliatut qinerneqarpoq. Tamatuma saniatigut siunnersuisooqatigiinnit piffissami qinersiviusumut 2026–2029-mut ukkatarisassatut siunertat akuersissutigineqarput. Ukkatarisassatut siunertaniipput ilaatigut ataqatigiinnerusumik innuttaasunik sullissineq, suleqatigiit assigiinngitsut akornanni annertusisamik suleqatigiinneq, pisinnaatitaaffiit ikorfartorneqarnerlu pillugit paasissutissaateqarneq aammalu inuit innarluutillit pillugit suliassaqaarfimmi suliniutinik ineriartortitsineq.

Inuit innarluutillit pillugit Siunnersuisooqatigiit aamma ilisimatinneqarput siunissami Nunarsuaq tamakkerlugu Inuit innarluutillit pillugit ulloqartitsisarnissaq pillugu, tamatumuuna siunissami aaqqissuussineq sivitsorneqassalluni nal. 18.00 tungaanut innuttaasunik kommunimilu neqeroorutini sulisunik pitsaaneruseqarpoq peqataatitsisarnissaq akuutitsisarnissarlu periarfissaqaarfigequllugu.

Tamatuma saniatigut siunnersuisooqatigiit inuit innarluutillit pillugit suliassaqaarfimmi suliart politikikkut suliartineqarsimasut pillugit ilisimatinneqarput kiisalu suliassaqaarfimmi killiffiit suliniutillu saqqummiunneqarlutik. Inuit innarluutillit pillugit Siunnersuisooqatigiit aamma eqqartorpaat Inunnut innarluutilinnut immikkut suliassaqaarfik pillugu immikkoortumut pilersaarut, tassani ilaasortat allakkatigut oqaaseqaatinik ilanngukkusutaminnullu nassiuussinissaminut periarfissinneqarput.

Ilisimatitsissummi inuit innarluutillit pillugit suliassaqaarfimmi sullissisut attuumassuteqartut soqutigisaqaqatigiillu suleqatigalugit kommunimit suliartineqartut innuttaasunik akuutitsineq ineriartortitsinerlu ikorfartuiffigineqarput.

Ingerlatsivimmit aningaasatigut sulisoqarnikkullu naliliinerit

Suliaq aningaasaqarnikkut sulisoqarnikkullu kinguneqartitsissanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq.
- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat

Ilanngussaq

1. Inuit innarluutillit pillugit Siunnersuisooqatigiit 30. aprili 2026-mi ileqquusumik aappassaanik ataatsimiinnerannit imaqarniliaq

Kajumissuseq tunngavigalugu isumaginninnermi sulinnermut tapiissutiniq agguanerup killiffia

Upernaaq 2026

Ilisimatitsissut

SagsID.: EMN-2026-00216

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Innullu Innarlutilinnut Ataatsimiititami inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik isumaginninnikkut nammeneq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermikkut ajornartorsiuteqartut sammisassaqtinnissaannut suliniuteqartunut aningaasaliissuteqarnissaq siunertaavoq. Taamaattumik tapiissutit siunertami Inersimasunut immikkut pisariaqartitsisunut aamma Inunnik isumaginninnermi immikkoortortaqarfiup ataani inissisimaannassapput.

Suliffeqarnermut Isumaginninnermullu Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. Qinnuteqarfissap killiliussaa qaangiutereersoq Suliffeqarnermut Isumaginninnermullu Ingerlatsivik qinnuteqaatinik sisamanik tigusaqarpoq taakkunanngalu marluk itigartinneqarlutik. Tassanilu siunermi killiliussat iluaniinnginnerat tunngavigineqarpoq. Peqatigiiffik Cykel'iussisartunit qinnuteqaat ataaseq akuerineqarpoq. Peqatigiiffik Ingerlatsivimmit 43.000kr-nik aningaasaliiffigineqarpoq. Aningaasaliissutit kommunimi innuttaasut utoqqaat aalanerulernissaannut aammalu pineqartut kiserliornissaannut pinaveersaartitsinermut atorneqassallutik. Qinnuteqaat ataasinnguaq Peqatigiiffik Kalaallit Røde Korsiatimeersoq aamma akuerineqareerpoq. Peqatigiiffik Ingerlatsivimmit 49.881kr-nik aningaasaliiffigineqarpoq. Aningaasat innuttaasunut utoqqarnut inuunermik naleqarnerulersitsinissamut, ataatsimoorfeqarnerulersitsinissamut attaveqatigiilernissamullu pitsanngorsaannerut atorneqassapput.

Ingerlatsivimmit aningaasatigut sulisoqarnikkullu naliliinerit

Ukiumut tapiissutitut aningaasanut atugassatut 201.000 koruunit immikkoortinneqartarput. Suliffeqarnermut Isumaginninnermullu Ingerlatsivik 2026-mi siullermik qinnuteqartitsinerup kingornatigut katillugit 92.881 kr.-nik aningaasaliissuteqarpoq. Suliffeqarnermut Isumaginninnermullu Ingerlatsivik oktobari 2026-mi qinnuteqaatinik suliaqassaaq, kingornagullu Utoqqarnut Isumassuinnermullu Ataatsimiititaq ilisimatitsissuteqarfigalugu.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Peqatigiiffinnut isumaginninnermik suliaqartunut tapiissutitut piimasagaatit; Inunnik isumaginninnikkut ikiuinissaq siunertaralugu kajumissutsimik suliaqartunut tapiissutit

Ilanngussaq
Ilanngussaqanngilaq.

Siu-Tsiumik ingerlatsinermut isumaqatigiissutaasumik sivitsuigallarneq pillugu ilisimatitsissut

Siulittaasup aalajangiineranik ilisimatitsissut

Ilisimatitsissut

SagsID.: EMN-2026-01625

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Isumaginninnermut Inunnullu Innarluutilinnut Ataatsimiititami siulittaasup 2026-mi juulip ulluisa 13-ianni Suliffeqarfiup Aningaasaateqarfiullu Imminut Pigisup Siu-Tsiup aamma Kommuneqarfik Sermersuup akornanni ingerlatsinermut isumaqatigiissutaasumik qaammatini pingasuni sivitsuigallarneq akuersissutigaa, taamaalilluni maannamit 2026-mi oktobarip ulluisa 31-at tikillugu atuutilerpoq.

Ingerlatsinermut isumaqatigiissutaasoq siullermik 2026-mi maajip ulluisa 31-anni atorunnaarpoq, taamaattorli 2026-mi januaarip ulluisa 26-anni Isumaginninnermut Inunnullu Innarluutilinnut Ataatsimiititamit aamma 2026-mi februaarip ulluisa qulinganni Aningaasaqarnermut Inuussutissarsiornermullu Ataatsimiititamit akuersissuteqareernerisa kingornatigut 2026-mi juulip ulluisa 31-annut sivitsorneqarpoq.

Tasiilami atuagarsornikkunngitsoq piginnaanngorsarnissamut neqeroorummik ingerlatsilernissaq neqeroortitsissutaassasoq 2025-mi novembarip ulluisa tallimaanni Isumaginninnermut Inunnullu Innarluutilinnut Ataatsimiititamit aalajangerneqarmat sivitsuinissat akuersissutigineqarput. Neqeroortitsinermut atorussat 2026-mi januaarip ulluisa 26-anni Isumaginninnermut Inunnullu Innarluutilinnut Ataatsimiititamit aammalu 2026-mi februaarip ulluisa qulinganni Aningaasaqarnermut Inuussutissarsiornermullu Ataatsimiititamit akuersissutigineqarmata Kommuneqarfik Sermersuup marloriarluni tamanut neqeroortitsissuteqarpoq. Neqeroortitsinermullu atorussani piumasaqaataasunik eqquutsitsisunik kommune neqeroorutininik tigusaqanngilaq. Taamaattumik suliassaq siunissami qanoq kivinneqassanersoq suli nalunarpoq.

Suliffeqarnermut Isumaginninnermullu Ingerlatsivimmit taamaattumik ingerlatsinermut isumaqatigiissutaasoq maanna 2026-mi oktobarip ulluisa 31-at tikillugu atuussinnaanissaa akuersissutigineqarpoq. Neqeroorutip siunissami qanoq ingerlanneqarnissaa qulaajarneqarnerani Tasiilami inuusuttut atuagarsornertaqanngitsumik piginnaanngorsarnermut neqeroorummik atuisinnaanerat sivitsuinikkut qulakkeerneqassaaq.

Siu-Tsiup suliassamik tigumminiinnarusunnera apeqqutaalluni sivitsuigallartoqassaaq.

Ingerlatsivimmit aningaasatigut sulisoqarnikkullu naliliinerit

Siu-Tsiup Kommuneqarfik Sermersuullu ingerlatsinermut isumaqatigiissutaa maannakkut atuuttoq naapertorlugu kommune inuusuttumut ataatsimut qaammammut 8.000 koruuninik akiliuteqartarnissamut pisussaaffeqarpoq. Juulip ulluisa 31-anniit atuartut ikinnerpaamik qulit Kommuneqarfik Sermersuumit akiliutsittassapput. Taamaattumik qaammatini pingasuni sivitsuineq

240.000 kr.-inik akeqarpoq. Aningaasartuutit missingersuutini aningaasaliissutaareersut iluani akilerneqassapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat nr. 31, 28. novembari 2019-imeersoq
- Pisortat oqartussaaffigisaanni suliffeqarfiinilu nioqqutissanik kiffartuussinernillu pisinermut tunngatillugu neqerooruteqartitsisarneq pillugu inatsisartut inatsisaat nr. 6, 12. juuni 2019-imeersoq
- Suliffeqarfik Aningaasaateqarfillu imminut pigisoq Siu-Tsiup aamma Kommuneqarfik Sermersuup akornanni ingerlatsinermut isumaqatigiissutaat
- Majoriamik 2025-2027 ingerlatsineq pillugu Kommuneqarfik Sermersuup aamma Namminersorlutik Oqartussat akornanni Angusanut pillugit isumaqatigiissut

Ilanngussaq

1. Siulittaasup aalajangiussaa – Siu-Tsiumik ingerlatsinermut isumaqatigiissutaasumik sivitsuigallarneq
2. Aalajangiineq siulittaasumit atsiorneqarpoq

Utoqqarnut inunnnullu innarluutilinnut suliassa qarfirmi sanaartornermut aningaasaliissutinik sulisitsineq

Aalajangiiffigisassaq

SagsID.: EMN-2026-00094

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnnullu Innarluutilinnut Ataatsimiititamut inassuteqaatigineqarpoq:

1. sanaartugassatut pilersaarutit pingaarnersiorneqassasut ataatsimiititamit aalajangiunneqassasoq, taakkulu ukiumut 2027-imut missingersuusiornissamut ukiunullu tulluittunut missingersuusiornissamut ilanngunneqassasut,
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

Suliassamik saqqummiussineq

Utoqqarnut inunnnullu innarluutilinnut suliassa qarfirmi sanaartugassatut pilersaarutitut aningaasaliissutissat 522.045.000 koruunit 2025-mut missingersuutini immikkoortinneqassasut kommunalbestyrelsimit aalajangiunneqarpoq. Aningaasaliissutit pineqartut kommunalbestyrelsip kissaateqarneratut sanaartugassatut pilersaarutit akornini pingaarnersiuutigineqassapput. Pilersaarutit tallimat siunissami ingerlatsinissaq eqqarsaatigalugu tamaasa pisariaqartinneqartutut naliliiffigineqartut maanna ingerlatsivimmit misissuiffigeqqaarneqarput. Pilersaarutini taakkunani arlallit allaffissornikkut politikikkullu ukiut qulit sinnerlugit eqqartorneqartareerput.

Tabeli 1: Sanaartugassanut aningaasaliissutit akuersissutigineqartut sanaartornermullu aningaasaliissutit sulisinneqartussat (2026-2031)

Pilersaarut / aningaasaliissutit	2026	2027	2028	2029	2030	2031	Katillugit
Tasiilami Utoqqaat Illuat nutaaq	9,0	11,0	–	–	–	–	20,0
Nuummi tarnimikkut nappaatilinnut autismeqartunullu najugaqatigiiffik	–	–	–	–	–	–	–
Nuummi puiguttortunut angerlarsimaffik	–	–	–	–	–	–	–
Ittoqqortoormiini Utoqqaat najugaqatigiiffiat	3,0	–	–	–	–	–	3,0
Nuummi inuit innarluutillit ataatsimut sullissiviat	–	–	–	–	–	–	–
Utoqqarnut aningaasaliissutit	–	–	40,3	109,2	346,5	26,0	522,0
Katillugit	12,0	11,0	40,3	109,2	346,5	26,0	545,0

Aningaasat tabelimiittut tamarmik millionit koruuninngortitassaapput

Tabeli 2: Akit missingiunneqartut sanaartormermullu aningaasartuutit piffissamut eqqortumut nalunaarsortarnerat

Pingaarnersiui- eq	Sanaartugassa- tut pilersaarut	202 8	202 9	203 0	203 1	Katillug- it	Akit missingiunneqart- ut ¹
1	Tasiilami Utoqqaat Illuat nutaq	—	—	—	—	97,3	97,3
2	Nuummi tarnimikkut nappaatilinnut autismeqartunull- u najugaqatigiiffik	—	—	—	—	150,0	150,0
3	Nuummi puiguttortunut angerlarsimaffik	—	—	—	—	193,0	193,1
4	Ittoqqortoormiini Utoqqaat najugaqatigiiffiat	—	—	—	—	39,0	39,0
5	Nuummi inuit innarluutillit ataatsimut sullissiviat	—	—	—	—	61,7 ²	75,0
	Katillugit	49,3	119, 2	346, 5	26,0	541,0	554,4

¹ Akinik missingiussineq 2024-mi 2025-milu misissueqqaarnermeersuupput

² Misissueqqaarnermi missingiussineq innersuussutigalugu, inuit innarluutillit sullissivianni katillugit 12 mio. koruunit amigaatineqarput

Ingerlatsivik siuliani pingaarnersiui-nermut inassuteqaateqarpoq, kisiannili sanaartugassatut pilersaarutit inaarutaasumik pingaarnersiorneqarnissaat politikkikkut aalajangiiffisassaasut erseqqissaatigalugu. Sanaartormermut aningaasaliissutit akuersissutigineqareersut kiisalu utoqqarnut inunnullu innarluutilinnut suliaasaqarfinnut piffissami 2026-imiit 2031-mut sanaartugassatut aningaasaliissutit missingersuutitigut piviusunngortinniarneqartut tabeli 1-imi takuneqarsinnaapput. Piffissami missingersuusiortittut akuersissutaasumi Tasiilami nutaamik utoqqaat illualionissamut Ittoqqortoormiini utoqqarnut najugaqatigiiffimmut sukumiisumik aningaasaliissuteqartoqarpoq, puiguttortullu angerlarsimaffiat utoqqarnut ataatsimut aningaasaliissutiniitinnearluni. Pilersaarutitut allanut tunngatillugu kommunimiit Namminersorlutillu Oqartussaniit politikkikkut akuersissuteqartoqarnissaa utaqqimaarneqarput. Pilersaarutit arlallit kingullertut taaneqartumut aningaasaleeqataafigineqarnissaat pisariaqarpoq. Maannakkorpiaq taamatut aningaasaleeqataasooqarnissaanut neriorsuuteqartoqarnikuunngilaq. Taamaattumik sanaartormermut aningaasaliissutissanik immikkoortitsisoqannginnerani pilersaarutit piviusunngortinniarneqarnerini kommunimiit pingaarnersiui-nissaq ajornanngippallu Namminersorlutik Oqartussaniit aningaasaleeqataanissamut neriorsuuteqarnissaq apeqqutaavoq. Misissueqqaarnerit tunngavigalugit sanaartormermut aningaasartuutissatut missingiunneqartut tabeli 2-mi takuneqarsinnaapput.

Ingerlatsivimmit aningaasatigut sulisoqarnikkullu naliliinerit

Utoqqarnut inunnulu innarluutilinnut suliasaqaarfimmut sanaartornermut aningaasaliissutaareersut, pilersaarutit siunnersuutigineqartut pingaarnersiorneqarneri naapertorlugit piviusunngortinneqassasut ingerlatsivimmit siunnersuutigineqarpoq. Tasiilami utoqqaat illussaanut sanaartornermut aningaasaliissutit immikkoortinneqareersut, piffissamut 2028-2031-mut nuunneqassasut siunnersuutigineqarpoq. Pingaarnersiugassatut siunnersuutigineqartut pisariaqartitanut suliniuteqarfissanullu utoqqarnut inunnulu innarluutilinnut suliasaqaarfimmit kommunip immikkoortumut pilersaarutaani allaaserineqartunut naapertuupput. Kommunalbestyrelsip pingaarnersiutinissamut aalajangiinera, 2027-mut missingersuutitut missingersuusiordermi ilaatinneqassaaq. Pilersaarutit arlallit Kalaallit Nunaanni Namminersorlutik Oqartussanit aningaasaleeqataaffigineqarnissaat pisariaqarpoq taamatullu aningaasaleeqataannissamut maannamut sulii neriorsuuteqartoqarnikuunngilaq. Pilersaarutit piviusunngortinneqarneri ingerlatsinerup tungaatigut kinguneqartitsissapput, taakkulu pilersaarutit ataasiakkaat pilersaarusioqqinnerinut aningaasaliissutitullu suliareqqinnerinut atatillugu erseqqissaaffigineqarumaarput.

Missingersuusiordermut Naatsorsuusiordermullu Immikkoortortamit aningaasatigut naliliineq

Oqaaseqaateqartoqanngilaq.

Inatsisitigut tunngavissaq allakkallu tunngaviusumik uppersartaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-meersoq (Missingersuutit inissisimanerannik naatsorsueriaatsimik allannguneq, nammineq aningaasaatinik naleqqussaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

Ilanngussaq

1. Immikkut akuersinissamut siunnersuut – Tasiilami utoqqaat illuat ulluuneranilu sammisassaqaartitsivik
2. Pisussanik saqqummiineq – tarnimikkut nappaateqartunut, ineriartornermikkut akornutilinnut autistertunullu najugaqatigiiffik
3. Immikkut akuersinissamut siunnersuut – Ittoqqortoormiini utoqqarnut najugaqatigiiffik nutaaq
4. Pisussanik saqqummiineq – Nuummi puiguttortunut angerlarsimaffik nutaaq
5. Pisussanik saqqummiineq – Nuummi piginnaangorsartarfik

